

նեւ զանց, զի մի սահաւ առ սահաւ ելցէ յառաջին ատիճանն, Գրեցին նոյնպէս և առ Քեահէայ կարապետ Ամիրայ լինել ձեռնառու, ('ի 22 Փետրվարի):

Գ Լ Ո Ւ Խ Խ Բ .

Ասեւութիւն Լատինաց 'ի Բեթղէհէմ: Փակումն գրան Լատինաց: Հակառակութիւն Յունաց յԱյրին Մնեղեան և ևսան եկեղեցւոյն: Երկաթեայ դուռն և ստիստակոսած քիւ 'ի վերայ նորա: Ընտրութիւն Գարբէլ եպիսկոպոսի յԱթուսն Երուսաղէմի: Գերեզմանատուն Նևստորականաց: Զանք Լատինաց վան գրան:

Հ ԱՄԱՐՁԱԿՈՒԹԻՒՆ գտեալ Լատին կղերաց առնէին բառ յօժարութեան իւրեանց յեկեղեցին Բեթղէհէմի. զի յառուր միում յանկարծ զեղեալ 'ի ներքս, կալեալ զսրվառցն Հայոց ընկեցին 'ի բաց, և խանդարեալ զժամերգութիւնն, իջին յԱյրն, և երբեմն ժողովեալ զՅէլլահս գիւղին զարս և զկանայս և զմանկախս և խառնիճաղանձ բազմութեամբ անցանէին անտի, եւ զոր միանգամ գտանէին 'ի ճանապարհին առաթուր կոխէին և կամ բարձեալ ընկենուն 'ի բաց. և 'ի պատահիլ միաբանաց և ուխտաւորաց տապալէին զնոսա, և այլ սոցին նման անարգանօք զզուէին զՀայս. և 'ի բողոքել նոցա առ Դատաւորն, գրեալ յայտ արար նա 'ի Դուռն զնեղութիւնս Հայոց, զոր կրէին յերեսաց Լատինաց, որպէս գրեալ էին զայնմանէ նախորդք իւր, և չէր լեալ օգուտ ինչ:

Ի սին ամի Կուսակալն Դամասկոսի Սալէհ Փաշա ինքնին եւ յայցելութիւն դաւառին, եւ եհաս յերուսաղէմ. և 'ի գնալ իւր 'ի Քեբրոն յուխտ 'ի գերեզման Հայր Արրահամու, հանդիպեցաւ 'ի Բեթղէհէմ, կատարել զուխտս 'ի տեղի Մնեղեան Քրիստոսի, եւ տեսեալ զանվայելուց ճանապարհն Լատինաց 'ի մէջ եկեղեցւոյն, եհարց ցՀայս, և նոքա յայտ արարին նմա թէ որպէս սահմանեցաւ 'ի սկըզբան գնալ Լատինաց յետուստ կողմանէ, և թէ որքան չարիս եւ նեղութիւնս հասուցին Հայոց՝ մինչեւ վերաւորել զեկեղեցականս, զանհնազանդ և զըմբոստ բարս նոցա, այ-